

آبونه اولمق ایستیلر دائره عدلیه ده
اداره مخصوصه سنه مراجعت
ایملیدر

اعلانانک بهرنیدن بر مجیدیه اخذ
ایدیلور

نسخه سی ۴۰ پاره در

فکرانک

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسه اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تجربیات

بصره ولایتی مرکز بدایت محکمه سی جزا
داره سی ریاستی کر بلا سنجانی بدایت محکمه سی
مدعی عمومی معاونی اسحق افندی به
کر بلا سنجانی بدایت محکمه سی مدعی عمومی
معاونلکی عماره سنجانی بدایت محکمه سی مدعی
عمومی معاون اسبق صالح افندی به
بصره ولایتی مرکز بدایت محکمه سی مدعی
عمومی معاونلکی اکری دره قضاسی بدایت
محکمه سی جزا دائره سی رئیس سابق محمد امین
افندی به تفویض بیورلش ومومی الهم ذاتاً محلف
بولنشد.

تبلیغات

انجمن عدلیه دن تنظیم واعطا قلنان مذکره در :
زراعت بانک سی اقرضاتندن متولد مطلوبانک
استیفاسی ضمیمه مزایده به چقاریلان اموال غیر
منقوله نك وضع ید معامله سندن استثناسی حقه ده مقدما
انجمن عدلیه دن تنظیم واعطا قلنان مذکره اوزرینه
عدلیه نظارت جلیله سندن سبق ایدن تبلیغات مخالف
اوله رق سلانیک ولایتی مرکز بدایت محکمه سی
اجر اداره سنجحه معامله جریان ایتدیرلک ایستلر یکنندن
باحث اولوب امور حقوقیه دائره سنک مذکره سیله
معاً تودیع بیوریلان تجارت و نافع نظارت جلیله سنک
۲۶ تموز سنه ۳۲۲ تاریخی مذکره سی و مربوطاتی
مطالعه اولندی .

مذکره مبحوئده مندرج اسباب موجبیه نظراً
بوکی غیر منقولاتک موقع وحدودی و اوصاف
واشکالی زمان اقرضده بانق شعبه لرنبه تدقیق وتحقیق
اوله رق سندات و دفاتر رسمیه قید وعلاوه ایدلمکده
اولسندن ناشی بوجهلرک تحقیقی ایچون تکرار دائره
اجرادن مأمور اعزامنه لزوم اولمادیغی یولنده سرد

وبیان اولنان مطالعه رهن سنداتک ایلروده ظهوری
محتمل اولان مشکلات وهوانی برطرف ایده جک
تفصیلات وایضاحاتی جامع اولمی اساسنه مبتنی وشو
صورته مشروط ومقید اولدیغندن موقع وحدودی
واشکال و اوصافی سندات مذکوره ده موصفاً مرقم
اولیان مرهوناتدن طولانی وضع ید معامله سنک کاکان
اجراسی اقتضا ایده جکی کبی ایضاحات مطلوبیه یی
حاوی اولان سنداتک تعلق ایلدیکی مرهوناتک دخی
زمان اقرضدن تاریخ مزایده به قدر مرور ایدن مدت
ظرفنده کرک مشرف خراب اولمق و کرک اعمار
واحیا ایدلمک کبی اسباب واحوالدن ناشی شکل
وهیئتک تبدلی وبوسیله قیمتک تدنی وتزایدی
طبیعی بولنان اموال واملا کدن اولدیغی حالده
قبل المزایده حال حاضری کشف وتحقیق اوله رق
مزاد قائمه سنک اکاکوره تنظیمی امور لازمه دن
بولنمش وتفصیلات مبسوطه ایجابجه وضع ید معامله سندن
مستغنی اولان مرهونات یالکز سندات مخصوصه سنده
حدودی ومقدار ودونمی معین اولوبده مرور مدته
تبدل وتغیردن مصون قالان غیر منقولاتدن عبارت
اوله رق دیکر لرینک ایلروده مزایده واحاله کیفیاتی
عقیم بر اقامق وخصوصات اجرائیه تعریفات قانونیه به
توفیق ایدلمش اولمق اوزره هر حالده معامله مذکوره به
تابع طوتلسی مقتضی کورنمش اولدیغندن بعض
طرفلرجه دائره شمولى توسیع ایدلیدیکی اشعارات
واقعهدن منضم اولان مذکره مزبور مندرجاتندن
طولانی شووجهله ایجاب ایدلره تعمیماً واکیداً
ایضاحات اعطاسی ونظارت مشار الیه ایده بیان حالی
متضمن تذکره جوابیه تسطیری تذکر قلمشدر .

محاکمات و مقررات

برشته سنجانی بدایت محکمه سی جزا دائره سی
رئیس سابق سلیمان فائق افدینک اوراق انفصالیه
ومدافعه نامه سی انجمن انتخاب مأمورین عدلیه جه
لدى التدقیق جواز استخدامنه قرار ویرلشد .

در سعادت استیناف مدعی عمر بیلکندنه :
بلغراد شهیندر وکیل ایکن ماذونیت
استحصال ایتکسزین آتیه فرار وخلاف
عبودیت حرکاته اجتناسار ایلدیکی ادعاسیله متهم
بولنان رائف حقنده اصول محاکمات جزائی
قانوننک اوچوزیتش برنجی ماده سی موجبجه
معامله مقتضیه ایفا ومحاکمه غیاییه سی بالاجرا
نتیجه سنده مرقومک فعل مذکوره جرأتی
ثابت اولدیغندن عسکری جزا قانوننامه هایوننک
یوز او توز ایلکنجی ماده سنک فقره اولاسنه
توفیقاً وخلاف عبودیت حرکاته اجتناسارندن
دولایی جزاسنی تشدیداً التی ماه مدته حبسنه
ومأموریتدن طردینه و او توز برنجی ماده
موجبجه حقوق مدنیه دن اسقاطیله اموال
محجوزه سنک علی الاصول اداره ایتدیرلمسنه
محکمه جنایتدن حکم ایدلمش و اصول محاکمات
جزائی قانوننک اوچوزیتش یدنجی و اوچوز
یتش سکزنجی و اوچ یوز سکسان برنجی
ماده لر یله مواد سائر سی احکامنه توفیق معامله
ایدلمسی مرجعه بیلدیرلش اولمغه مذکور
اوچوزیتش سکزنجی ماده نك جمله احکامندن
اولدیغی اوزره اعلان کیفیته ابتدار قلندی .

محکمه تمیز حقوق دائره سندن تنظیم واعطا
قلنان اعلامدر :

مرقه قضاسی طابو داره سی ایله مرقه قصبه سنده
ساکن بقال بالیه پراشکوه بیننده متکون دعویاه دائر
قضای مذکور بدایت محکمه سندن ۲۷ مایس سنه

۳۲۲ تاریخی واون اوچ عددی ایله ویریلان اعلام اداره مذکوره طرفندن تمیز اولمغله باش مدعی عموملک مأموریت بهیستک معالعه نامه سی آلتقدن صکره اعلام مذکور طرفینک اعتراض وجواب لایحه لریله برابر بالمطالعه تدقیقات تمیزیه اجراسنه ابتدار اولدی .

اعلام مذکورک خلاصه مالی مرقوم پراشکوه نك ماریفو قادین ذمتده ایکی قطعه سند موجبنجه قرق عدد لیرای عثمانی ایله بقالیه امانتدن یدی لیرا که جمعا قرق یدی لیرا آله جنی اولوب قبل الاخذ من بوره نك بلا ولد وفای وقوعه کلسی اوزرینه قصبه دروننده بولتان برباب خانه سیله بلاخور سمتده کی برقطعه باغی محلولاً جانب بیت الماله عائد اولمندن ناشی طابو کابی مزبور عارف افندی طرفندن موقع مزایده یه چیقارلق صورتیه متوفات مزبوره نك ترکه سته وضع یدایدلش اولدیفندن بخله مبلغ مذکورک بیت الماله اضافله ترکه سندن اولمق اوزرهمع فاضل تحصیلی طلب ودعوی ومذکور سندلری ابراز واعطا ایتسنه قارشو مدعی علیه اداره مذکوره کابی عارف افندی دخی مزبور سندلر موجبنجه متوفات مزبوره نك بورجی کندوسنجه مجهول اولوب حال حیاتنده ویرمش اوله جنی کبی سندلرک تاریخته نظراً مدت تسویه دخی

مرور ایتش ایدوکندن مدعینک رد ادعاسنی مدافعه انبا ایتسی اوزرینه اجرا قلنان محاکمه وتدقیقات نتیجه سنده مدعی پراشکوه یدی لیرا بقالیه امانی حقنده کی ادعاسنی موقع ثبوته ایصال ایده مدیکندن ردینه وانحق متوفات مزبوره ماریفو قادین ذمتده مزبور سندلر موجبنجه قرق یدی لیرا آله جنی اولدیفنی طرفندن اقامه ایدیلان شهودک شهادتیه ثابت اولمش ومدعینک استظهاراً امر تحلیفی دخی اجرا قلنمش اولدیفنه بناءً مبلغ مذکورک برموجب سند ترکه سندن اولمق اوزره مومی الیه عارف افندیدن تحصیلنه حکمدن ومستدعی تمیز اداره مذکوره کابی عارف افندینک اشبو حکم علیهنده لایحه سنده محجور اعتراضاتنک باشلوجه سی حکمه سبب اتخاذ قلنان سندلر طرفندن انکار ایدلش اولسنه نظراً تطبیق خط وخاتم فصلنده محجور قاعده یه توفیقاً سندات مذکوره حقنده تدقیقات اجرا ایدلک لازم کلور ایکن خلاف قانون اوله رق شهود شخصیه استماعیه برمنوال محجور قرار ویرلسی یولسز ومغایر قانون اولدیفندن بخله اعلامک تقضی ومدعی علیک لایحه سندن محجور نتیجه جوابی دخی اعتراضات مسروده نك واهی وبی اساس اولدیفنی بیانیله ردی وموافق اصول وقانون اولان اعلامک تصدیقی استدعاسندن وآتف الیابن مطالعه نامه مالی ده شهود

مستمعه ایله جهات سائر حقنده درمیان اولسان اعتراضات اصول محاکمه جهه تقضی مستلزم احوال دن بولندیفندن اعلام مذکورک تقضی لازم کله چکی بیانندن عبارت بولمشدر .

ایجابی مذاکره اولندقدده اعلام مذکور مألندن منضم اولدیفنی اوزره مزبور سند زیرنده کی مهرک انکار اولمسی اوزرینه تعریفات قانونیه دأثره سنده تطبیقات لازمه بالا اجرا تین ایده جسک حاله کوره قرار ویرلک لازم کلور ایکن محکمه جهه بوندن ذهول اولمسی یولسز ومغایر قانون اولدیفندن اصول محاکمه حقوقیه قانوننک ایکسوز اوتوز ایکنجی ماده سی موجبنجه اعلام مذکورک تفصیله قانون مذکورک ایکسوز قرق دردنجی ماده سنک فقره اولاسی حکمنه توفیقاً کیفیتک صورت محجوره دأثره سنده بالرویه اعلامه ربطی ضمنتده محکمه مذکوره یه اعاده سنده واولجه مستدعی اداره مذکوره کابی عارف افندی طرفندن ایفا قلنان یوز بش غروشه بکره مدعی علیه پراشکوه طرفندن ویریلان یوز التمش اتی بقی غروشه جمعا اوچ یوز بتمش بر بقی غروش مصارف تمیزیه نك ایلورده حقنر حقه جق طرفه عائد اولسنه ۲۷ کانون ثانی سنه ۳۲۲ تاریخده قرار ویرلدی .

شربنجی اوغلی حسین افندینک خانه سی دلهرک اشیا واجه سی سرقت ایلدیکی ادعا اولمندن دولای جنایتله اتهام اولسان چالق اوغلی حسین بن عثمانک اوچ سنه مدته کورکه قولسنه دأثر توفاد سنجانی بدایت محکمه سی جزا دأثره سندن اعطا قلنان ۹۰۸ نومرولی اعلام

وانکل پترونک کیفیت قتلندن دولای جنایتله اتهام اولان اناستاشی نام دیگر جلو ولد وانکلک اون بش سنه مدته کورکه قولسنه دأثر ارکری سنجانی بدایت محکمه سی جزا دأثره سندن اعطا قلنان ۴۰۹ نومرولی اعلام

شدید اوغلی یوسفی قتل ایلدیکی ادعا اولمندن دولای جنایتله اتهام اولان محمد بن علینک اون بش سنه مدته کورکه قولسنه دأثر آقره ولایتی استیناف محکمه سی جزا دأثره سندن اعطا قلنان ۲۹۵ نومرولی اعلام

مصطفی اوغلی حسن وقوسز اوغلی اسماعیلک اثانی راهده معامله جبر وشدت اجراسیله اقیه و اشیا سی سرقت ایلدیکی ادعا اولمندن دولای جنایتله اتهام اولان عزیز ومصور ومحمد وشکری وعلی وبرهانک بشر سنه مدته کورکه قولنلرینه دأثر چوروم سنجانی بدایت محکمه سی جزا دأثره سندن اعطا قلنان ۷۸ نومرولی اعلام

حاجی سلیمان اوغلی منلا حسین قتل قصدیه جرح ایلدیکی ادعا اولمندن دولای جنایتله اتهام اولسان حسین بن احمدک اوچ سنه مدته کورکه قولسنه دأثر چوروم سنجانی بدایت محکمه سی جزا دأثره سندن ویریلان ۶۶ نومرولی اعلام

مصطفی اوغلی احمدک خانه سندن اشیا سی سرقت ایلدیکی ادعا اولمندن دولای جنایتله اتهام اولان عیسی وولی و عثمانک اوچر سنه مدته کورکه قولنلرینه دأثر نیکده سنجانی بدایت محکمه سی جزا دأثره سندن اعطا قلنان ۶۲۰ نومرولی اعلام

خلیل بن ادیسک کیفیت قتلندن دولای جنایتله اتهام اولسان برادری ایوبک اون بش سنه مدته کورکه قولسنه دأثر سنیه سنجانی بدایت محکمه سی جزا دأثره سندن اعطا قلنان ۹۰ نومرولی اعلام

منلا حسین اوغلی مصطفای جرح ایله تعطیل عضویه سببیت ویردیکی ادعا اولمندن دولای جنایتله اتهام اولان ذولوف بن عباسک اوچ سنه مدته کورکه قولسنه دأثر دیاربکر ولایتی استیناف محکمه سی جزا دأثره سندن اعطا قلنان ۱۷۳ نومرولی اعلام

بلعد العمارینک کیفیت قتلندن دولای جنایتله اتهام اولان مسلاتلی محفوظ بن مسعود العمارینک اون بش سنه مدته کورکه قولسنه دأثر خمس سنجانی بدایت محکمه سی جزا دأثره سندن اعطا قلنان ۱۰ نومرولی اعلام محکمه تمیز جزا دأثره سنجه تصدیق قلمشدر .

۵۹۴ نومرولی نسخه ده مندرج درسمعات جنایت محکمه سی اعلامنک بقیه سی :

برمنوال مضبوط طرفینک ادعا ومدافعاتی استماع واستعلام واوراق تحقیقه مطالعه وتدقیق وکیفیت تعمیق اولنه رق مندرجانه کسب اطلاع تام اولندقدن صکره عند المذاکره دارینجلی مدعی شخصی شیل احمد اوغلی سامی افندی قتل قصدیه جرح ایتک فعلیه اتهام ایدیلان رفعتک بوبایده اولان دعویه قارشو بعض تأویلاته قیام ومدافعه وکیلی نجاتی افندینک دخی برطاقم مدافعات سردیه موکلنک برائنه ویاخود اخافه قصدیه جرح اولدیفنه قرار اعطاسنی استرحام ایدر اولدیفنی یولنده سردکلام ایتلری کیفیاتی وشاهدلرک افاداتی درپیش ایدلکده متهم رفعت مدعی شخصی ایله میانلرنده مخاصمت اولدیفنی ومنازعه سبق ایتدیکی حضور محکمه مبادی استجوابنده بیان ایتش ایکن استطاقامه سنک قرائتی عقینده وقعه کونی منازعه حادث اولدیفنی وبرادرنن طولای خصومت بولندیفنی اقرار ایتسنه وبر

بازار ایتسی کونی چارشویه کیتمکه ایکن متهم رفعت سامی افندینک آرقه جهندن هجوم ایدرک صارلسیه سامی افندی مرقومک هجومندن قورتایدیفنی صرده رفعت بلندن بیویکجه بر بچاق چیقاروب قارندن اورمق اوزره بر قاج دفعه صالدریدنی حاله اصاب ایتدیره .

مدیکی وبالاخره سامینک باشندن جرح ایلدیکی وسامی افندی طرفندن متهمک التده کی بچاغک آلمسی ضمنتده اوغراشایدیفنی ائشاده باش پارمغندن دخی مجروح اولمسیله محل وقعه یه شتاب ایدن محمد ومصطفی جانبازلندن مرقومانک یدندن بچاغک اخذ اولدیفنی وبچاغک متهم رفعتک اولدیفنی مقصدجه مرقومک یدنده کوردیکی جهته ییلور ایدوک ادعا شهودندن طودوری ولد پشائی وکیفیتک مرقوم طودورینک افاده سی وجهله ایدوک پناوب ولد طودوری وبر کون خانه سته کیتمکه ایکن بچاغک قبضه سی متهمک یدنده وتیور جهق دخی سامی افندینک التده اولدیفنی وسامی افندینک بچاغی آلمق اییون متهمک بیلکندن طوتمقده بولندیفنی حاله بوغوشدقلری کورمسیله مصطفی ایله برلکده مرقومانک الالندن بچاغی المریله رفعتک فرار ایلدیکی واورسده سامی افندینک باشنده دم کوردیکی محمد بن امین دانی و خانه سنده قهوه ایچمکه ایکن زقاده منازعه وقوعولدیفنی خبر ویرمزلیه چیقوب باقدیفنده بچاغک قبضه سی متهم رفعتک التده اولدیفنی حاله سامی افندی متهمک بیلکندن وبچاغک کسکین جهندن طوتوب بوغوشمقده اولدقلری کوردیکنده مرقومانی تکدیر ایله الالندن بچاغی آلدیفنی صاری عثمان طرفلندن حضور محکمه ده مع القسم وعلی الدرجات افاده وتمهید وضابطه تقریری وراپورلر مندرجاتیه دخی شهادات مسروده تأیید قلمسنه نظراً مجروح سامی افندینک جارحی متهم رفعت اولدیفنی متحقق ومدافعات ایله نوع جرمه نقل کلام اولندقدده شاهدلردن طودوری وپناوبوط اخباراتی موجبنجه متهمک بچاقله سامی افندینک قارنه اورمق اوزره صالدریدنی ومستعد هلاک عضودن معدود اولان رأسه بچاق ایله اوروب جرح ایلدیکی حاله تکرار اورمق عزم قطعینده اولدیفنی تضمن ایدن هجوم مکررینک مجروح جانندن اندفاعی ومحل جرمه شتاب ایدلرک معاوتیه بچاغک متهمک یدندن انتزاعی اسباب مانعدن بولندیفنی ومتهمک وقعه یه معقب فرا ایدوب اوچ درت کون کوز کلمسی دخی بشقه جهه علیه مصروف دلائلن اولدیفنی کی متهمک اعترافی وجهله مجروح ایله ینشده خصومت اولمسی تصور فعله و بناءً علیه قصد قتله متفرع دلائله متبلاصق اولمسنه ووجهل شهادتدن اولدیفنه کوره مجروحده برکونه آلت جارحه وراضه اولمامسندن

واشای وقعه ده متهمده اثر جرح کورنامسندن ناشی یدنده کی جرح جزئیک کندی اثری اولدیفنی وجرحک بغته هجوم اوزرینه ایتاق ایلدیکی اکلاشلمسنه بناءً متهمک انکار وتأویلاتی ومدافعه وکیلنک دخی بالجله مدافعاتی ومعاون مومی الیه کده بالمنازعه جارح اولدیفنی یولنده کی مطالعاتی غیر قابل قبول وما حصل کلام متهم رفعتک سامی افندی قتل قصدیه جرح ایلدیکی حاله بچاق ضریلرینک مجروحک تهلکلی محالرینه عدم اصابتی وفعل جرحی مشاهده ایدوب محل جرحه شتاب ایدن کسانک تمناعی ومجروحک مدافعه سی کی اسباب مانعه حیولتیه ماده قتل فعله چیقارمده یی حد ثبوته موصول اولدیفندن مرقومک اولوجهله مجرمینه وجاهاً ومتفقاً قرار ویریله رک محاکمه اوطه سته عودته قرار مذکور علناً قرائت ویرسان اولندقدده معاون مومی الیه مجرم رفعتک قانون جزانک یوزسکسانجی ماده سته توفیقاً تحدید وکیل مدافع موکلنک تخفیف جزاسنی ادعا واستدعا ومدعی شخصی سامی افندی دخی مصارف جراحیه ایله برابر مصارف ضروریه وسفر یه سنک حکم آتته آلمسنی دعوی ومتهم رفعتده بشقه دیه چکی اولدیفنی انبا ایتلریله بوجهت محاکمه نك ختام بولدیفنی اکلا دیلهرق تکرار مذاکره اوطه سته کیدلدی .

جهت جزائییه حقنده دخی مذاکره کیفیت اولندقدده مجرم رفعتک حرکاتی قانون هایون جزانک یوزسکسانجی ماده سته موافق ماده مذکوره (اگر جرح وضرب فعلی ذاتاً قتل قصدیه اولوبده جارح وضارب بد اختیارینده اولیان اسباب مانعه حیولتیه ماده قتل فعله چیقماش ایدوک تین ایلر ایسه یاره وبره سی کرک اغیر اولسون وکرک خفیف اولسون مواد ثلثه سابقه ده بیان اولدیفنی وجهله جرح وضربک درجه سته کوره حکم اوله جق دیت یاخود مقدار معلوم مبلغ ایله مصارف جراحیه سی استیفا اولندقدن صکره جارح وضارب اولان کیمسه هر حاله موقتاً کورکه قونیلور) عباره سی ناطق اولدیفندن

۳۲۲ سنه سی کانون اولنک اوتوزنجی کونه مصادف اولان ۳۲۴ سنه سی ذی القعدة سنک بکرمی یدنجی کونندن اعتباراً اوچ سنه مدته کورکه قولسنه ومصارف جراحیه اولان ایکسوزالی ومدعی شخصینک مصارف سفریه سی اولان ومجرمه راجع اولمق اوزره مدعی شخصینک آتوب مصارف سفریه اولمق اوزره شاهدلره اعطاسی اقتضا ایدن یوز التمش غروشه جمعا درنیوز بتمش غروشک مجرم رفعتن بالتحصیل مدعی شخصی سامی افندی یه اعطا اولمسنه ومصارف محاکمه اولان جمعا یوز قرق غروشک دخی آروجه

بالاستیفا عدلیه وزنه سته تسلیم ایتدیرلمسنه ۳۲۳ سنه سی مایسنک اوتوز برنجی کونی کذاک وجاهاً ومتفقاً قرار ویریله رک اصول قهقهی اجرا قلندی .

یوسف افندی ایله سلیم اغانک یکدیگرینه ناموسه طوقنور سوز سوبلکری تین ایتکه برار اجزای نقدی آلمسنه

اجرای مأموریت حالتده پولیس کاظم افندی یه تحقیر آمیز معامله ده بولتان قوندیره چی ایلیدن بر لیرا جزای نقدی آلمسنه

حیدر پاشاده ساکن دیمتری ولد یورکینک ساخته لکنی بیلهرک بر ساخته چکی استعمال ایلدیکی تین ایتکه برسنه مدته حبسنه

آه قادیی ضرب ایلدیکی شهادتیه ثابت اولان آق بیق محاسبه ساکن حسن افندینک برهقه حبسنه نك اوغلی بدایت محکمه سی جزا دأثره سنجه قرار ویرلشدر .

مُحَاكِمَاتُ اَشْيَاءَ اَنْدَبَا لِهَيْتِه

داری دره قضاسی بدایت محکمه سی مستطبق ابراهیم افندینک خلاف قانون معاملاته جرأت ایتدیکی ادرنه ولایتی عدلیه مفتشکلندن وارد اولان اوراق تحقیقه مندرجاتدن اکلاشلمسنه مبنی مستطبق مومی الیهک بالغزل محاکمه آتته آلمسنه عدلیه نظارت جلپه سنجه مأذونیت اعطا اولوجهله محله تبلیغات لازمه اجرا ایدلشدر .

اَعْلَانَات

درسمعات استیناف مدعی عمر بیلکنده :

حیللی مفلس اولدقلری ادعاسیله مظنون علیهما اولوب جنایتله اتهام ایدلش اولان درسمعاتده محمود پاشا جوارنده قاطرچی اوغلی خاننده التمش بش والتمش اتی والتمش یدی نومرولی اوطنه لرده قومیسو نیلیق ایله اجرای تجارت ایتکده لر ایکن فرار ایدن مورس وزوزف فریدمان برادرلر حقنده اصول محاکات جزائییه قانوننک اوچ یوز بتمش برنجی ماده سی موجبنجه معامله مقتضیه بالا یا اجرا قلنان محاکمه غایبه نتیجه سنده مرقومانک حیل ایله افلاس ایتدکلری اکلا شلیه میوب انحق تقصیراتی مفلس اولدقلری ثابت اولدیفندن قانون جزانک ایکسوز اوتوز ایکنجی ماده سته توفیقاً بر سنه حبس لرینه

محكمة جنايتدن قرار ویرلش وقرار مذکور عائد اولديني بدايت مدعی عمومیلکنه بیلدیرلش اولغله اعلان کیفیته ابتدار اولندی .

در سعادت منابت محکمه سنده :

حلیله لی مفلس اولدقلری ادعاسیله متهم اولان ومقدما بالی بازارنده یوز التمش یدی نومرولی دکانده صرافلی ایتکده ایکن فرار ایدن یکریمی بش یاشنده یانیله لی اسپرو جافه ری ایله مرقومک شریکی اولوب کذلک حال فرارده بولنان بقال کویلی یکریمی اوچ پنا یوط دیموپولو ولد حاجی پریکلی دردست ایدیلهمامش اولدقلرندن تاریخندن اعتباراً جانب ریاستدن کندولرینه مجدداً اون کون مهل اعطا قلمشدر مهل معین ظرفنده محکمه یه کلدکلری حالده قانونه اطاعت ایتامش نظریله باقیه رق حقوق مدینه دن اسقاط قلنه جقلری وعلیهلرنده دعوا یه قیام اولنه جنی ومحاكمة غیایه لری ائنده ماللرینک حجز آتته آتته جنی وبوصرده برکونه ادعا یه جقلری اولهمیه جنی وبالجمله ضابطه عدلیه مأمورلرینک کندولرینی طومغه مجبور بولندقلری کبی معاملات حجزیه حقدنه دخی مدعی عمومیلکه تبایغات مقتضیه اجرا ایدلیدیکی جهته اصول محاکمات جزائییه قانوننک اوچ یوز یتش برنجی و اوچ یوز یتش ایکنجی ماده لرندن استنباط اولنان احکامه توفیقاً اشبو قرارنامه بالتتظیم اعلان اولنور .

تجارت بربریه محکمه سنده :

استانبولده تخمیس زقاغنده کی مغازه ده عطاریه تجارتیه مشغول قوو وطباق شرکتنک ۲۰ حیزران سنه ۳۲۳ تاریخندن اعتباراً اعلان افلاسنه ومصالح افلاسیه نك رؤیت وتسویه سی ضمننده اعضای محکمه دن سعادتلو ابراهیم بک ژورقومیسر ودعوی وکیللرندن رسائی بک ایله مارقوناخوم افندینک موقت سندیک تعینلرینه ومغازه سیله اشیا ی زائده بیتیه لرینک تمهیرینه واوراق ودفاترینک جلبنه وكفالت مصدقه اراه ایده مدکلری تقدیرده حبس وتوقیفلرینه وبوباده کی قرارک موقتاً اجراسنه تجارت بحریه محکمه سنجه قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره ۳۲۳ سنه سی تموزینک اوتوزنجی بازار ایرتسی کونی ساعت التي راده لرنده اصحاب مطلوبک محکمه مذکورده نك مصالح افلاسیه رؤیته مخصوص اوطه سنه کللری اعلان اولنور .

تاریخندن اعتباراً اعلان افلاسنه ومصالح افلاسیه نك رؤیت وتسویه سی ضمننده اعضای محکمه دن عزتلو مارقار افندینک ژورقومیسر ودعوی وکیللرندن عثمان طلعت بک ایله پانده لا کی قوزمیدی افندینک موقت سندیک تعینلرینه ومغازه واشیا ی زائده بیتیه لرینک تمهیرینه واوراق ودفاترینک جلبنه وكفالت مصدقه اراه ایده مدکلری تقدیرده حبس وتوقیفلرینه وبوباده کی قرارک موقتاً اجراسنه تجارت بحریه محکمه سنجه قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره ۳۲۳ سنه سی تموزینک اوتوزنجی بازار ایرتسی کونی ساعت التي راده لرنده اصحاب مطلوبک محکمه مذکورده نك مصالح افلاسیه رؤیته مخصوص اوطه سنه کللری اعلان اولنور .

ایکنجی تجارت محکمه سنده :

بالی بازارنده کتانیچیلر جاده سنده وبلاطده واقع مغازه لرنده مقیم شیشه وطباق تجارتیه مشغول خام غرشونک ۱۲ تموز سنه ۳۲۳ تاریخندن اعتباراً اعلان افلاسنه ومصالح افلاسیه نك رؤیت وتسویه سی ضمننده اعضای محکمه دن سعادتلو رضا بکک ژورقومیسر ودعوی وکیللرندن مارقوناخوم وحیب رفیق افندیلرک موقت سندیک تعینلرینه ومغازه سیله اشیا ی زائده بیتیه سنک تمهیرینه واوراق ودفاترینک جلبنه وكفالت مصدقه اراه ایده مدیکی تقدیرده حبس وتوقیفه وبوباده کی قرارک موقتاً اجراسنه ایکنجی تجارت محکمه سنجه قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره اشبو ۳۲۳ سنه سی تموزینک یکریمی التجی پنچشنبه کونی ساعت یدی راده لرنده اصحاب مطلوبک محکمه مذکورده نك مصالح افلاسیه رؤیته مخصوص اوطه سنه کللری اعلان اولنور .

در سعادتده محمود پاشا جوارنده مقیم اجزا تجارتیه مشغول فیس د . مزیک و قومانیه سنک ۱۲ تموز سنه ۳۲۳ تاریخندن اعتباراً اعلان افلاسنه ومصالح افلاسیه نك رؤیت وتسویه سی ضمننده اعضا ملازمی یانقو افندینک ژورقومیسر ودعوی وکیللرندن سنباط کاتیان وداود وروسو افندیلرله اصحاب مطلوبدن موسیو دولشکرک موقت سندیک تعینلرینه ومغازه سیله اشیا ی زائده بیتیه سنک تمهیرینه واوراق ودفاترینک جلبنه وكفالت مصدقه اراه ایده مدیکی تقدیرده حبس وتوقیفه وبوباده کی قرارک موقتاً اجراسنه ایکنجی تجارت محکمه سنجه قرار

ویرلش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره اشبو ۳۲۳ سنه سی تموزینک یکریمی التجی پنچشنبه کونی ساعت یدی راده لرنده اصحاب مطلوبک محکمه مذکورده نك مصالح افلاسیه رؤیته مخصوص اوطه سنه کللری اعلان اولنور .

محمود پاشا جوارنده محمد پاشا خانده ساکن ایکن ایکنجی تجارت محکمه سندن افلاسنه حکم اولنق اولان قومیسرینجی ابراهامیان برادرلرک خصوصات افلاسیه سنک رؤیت وتسویه سی ضمننده دعوی وکیللرندن حسن صبری بک ایله ساموئیل انسطاشیادی افندی اصالة سنديک تعین قلمش اولدقلرندن مفلس مرقوم ذمتنده آله جنی اولانلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکریمی برکون ظرفنده سنداتی محکمه کاتبه تسلیم ایللری ومدت مذکورده ختامندن صکره اوچ کونده یعنی ۳۲۳ سنه سی اغستوسنک ایکنجی پنچشنبه دردنجی جمعه ایرتسی والتجی بازار ایرتسی کونلری ایکنجی تجارت محکمه سنک مصالح افلاسیه رؤیته مخصوص اوطه سنه کلرک سنديک افندیلر مواجهه سنده آله جقلرینی اثبات وقید وتصدیق ایتدیرملری ومدت مذکورده اثبات وجود ایده میان آله جقلولر حقدنه قانون مذکورک ۲۱۰ نجی ماده سنه توفیقاً ایفای معامله اولنه جنی اعلان اولنور .

در سعادت اعمومات نظامیه اجرا داره سنده :

جیوان افندینک عزتلو حسین دائم بک ذمتنده محکوم به آله جفندن طولای مدیون مومی الیهک عهده سنده بولنان بیوک اطده کوزلر زقاغنده تخمیناً یوز الی آرشون عرصه اوزرینه مبنی یدی اوطه وبر صفه وبر صهرنج وبر مطبخ وزمین قاتیله برابر اوچ قاتدن عبارت درتیوز سکسان آرشون باغچه یی حاوی یکریمی اوچ نومرولی کارگیر بر باب خانه نك تمامی اجرا قلنان مزایده نتیجه سنده لیرای عثمانی یوز غروش حسابیه اون درتیک غروشه طالعی عهده سنده تقرر ایدرک موقتاً قراردادده سی کشیده قلمش اولدیغندن یوزده بش ضم ایله طالب اولانلرک تاریخ اعلاندن نهایت اوتوز برکون ظرفنده در سعادت اعلامات نظامیه اجرا دائره سنه مراجعت ایللری اعلان اولنور .